

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 3. Odluke o odobravanju sredstava Muftijstvu zeničkom u svrhu sufinansiranja kapitalnog projekta za 2023. godinu, broj: 02-11-11265/23 od 12.07.2023. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 28. sjednici, održanoj dana 20.07.2023. godine, d o n o s i

ZAKLJUČAK

I.

Daje se saglasnost Draženki Subašić, ministrici Ministarstva za obrazovanje, nauku, kulturu i sport Zeničko-dobojskog kantona, za potpisivanje Ugovora o prenosu sredstava Muftijstvu zeničkom u svrhu sufinansiranja kapitalnog projekta za 2023. godinu „Izgradnja Islamskog centra u Zenici“, koji se prilaže uz ovaj zaključak i smatra se njegovim sastavnim dijelom.

II.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/23
Datum, 20.07.2023. godine
Z e n i c a

PREMIJER

Amra Mehmedić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.

Na osnovu člana 3. Odluke o odobravanju sredstava Muftijstvu zeničkom u svrhu sufinansiranja projekta izgradnje Islamskog centra u Zenici, sa pozicije „Kapitalni transferi neprofitnim organizacijama“, Budžeta Zeničko-dobojskog kantona za 2023. godinu, broj: 02-11-11265/23. od 12.07.2023. godine, ugovorne strane:

1. Ministarstvo za obrazovanje, nauku, kulturu i sport Zeničko-dobojskog kantona, koje zastupa ministrica Draženka Subašić,

i

2. Muftijstvo zeničko, kojeg zastupa muftija Mevludin ef. Dizdarević zaključuju:

UGOVOR O PRENOSU SREDSTAVA

Član 1.

Ovim ugovorom, u skladu sa članom 3. Odluke o odobravanju sredstava Muftijstvu zeničkom u svrhu sufinansiranja projekta izgradnje Islamskog centra u Zenici sa pozicije „Kapitalni transferi neprofitnim organizacijama“, Budžeta Zeničko-dobojskog kantona za 2023. godinu, broj: 02-11-11265/23. od 12.07.2023. godine, uređuje se prenos novčanih sredstava Muftijstvu zeničkom u svrhu realizacije projekta izgradnje Islamskog centra u Zenici.

Član 2.

Ministarstvo za obrazovanje, nauku, kulturu i sport se obavezuje da će nakon potpisivanja ovog ugovora izvršiti prenos sredstava Muftijstvu zeničkom, kao nosiocu Projekta u ukupnom iznosu od 250.000,00 KM (slovima: dvijestotinepedesethiljadakonvertibilnihmaraka), odobrenih Odlukom Vlade Zeničko-dobojskog kantona o odobravanju sredstava Muftijstvu zeničkom u svrhu realizacije projekta izgradnje Islamskog centra u Zenici, broj: 02-11-11265/23., od 12.07.2023. godine.

Član 3.

Odobrena sredstva iz člana 2. ovog Ugovora će biti uplaćena na račun Muftijstva zeničkog broj: 134-010-0000092561 otvorenog kod Asa banke.

Član 4.

Muftijstvo zeničko je odgovorno za namjenski i zakonit utrošak sredstava iz člana 2. ovog Ugovora, koja su joj odobrena u svrhu sufinansiranja projekta iz člana 1. ovog Ugovora.

Član 5.

Muftijstvo zeničko je dužno dostaviti izvještaj o namjenskom utrošku odobrenih sredstava Ministarstvu za obrazovanje, nauku, kulturu i sport, najkasnije u roku od 15 dana od dana utroška istih, a najkasnije u roku od godinu dana od dana doznačavanja sredstava iz člana 2. ovog ugovora.

Član 6.

Ukoliko Muftijstvo zeničko ne postupi po odredbama iz članova 4. i 5. ovog Ugovora a koje se odnose na namjenski i zakonit utrošak sredstava i dostavu izvještaja o namjenskom utrošku sredstva, Ministarstvo za obrazovanje, nauku, kulturu i sport će zatražiti povrat uplaćenih sredstva.

Jadranka Hegarović
Stjepan

Član 7.

U slučaju spora priznaje se stvarna i mjesna nadležnost suda u Zenici.

Član 8.

Ovaj ugovor stupa na snagu danom potpisivanja i sačinjen je u četiri istovjetna primjerka od kojih svaka ugovorna strana zadržava po dva primjerka.

MINISTRICA

Draženka Subašić

**MUFTIJSTVO ZENIČKO
MUFTIJA**

Mevludin ef. Dizdarević

Broj:
Datum, _____. godine
Z e n i c a

Broj:
Datum, _____. godine
Z e n i c a

Jadranka Hegausch
Hegausch
